



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. IV. cap. 3. & 7. de Judico Papæ infallibili

[urn:nbn:de:hbz:466:1-72506](#)

hujus tertii capitibus hinc inde ex Augustino adduxit, quia in sedibus propriis infra recurrent, hic intacta manent & reservata ad suum quodque locum, ne fastidiosâ repetitione præscripta brevitas transiliatur, Lectorisque animus justo amplius gravetur.

LIBRI QVARTI,
DE
POTESTATE ROMANI PON-
TIFICIS SPIRITUALI,
CAPUT TERTIUM ET SEPTIMUM,

De

Judicio Ejus Infallibili.

P Rætermisso enim Capite primo tanquam proœmiali ad securam Tractationem, secundo etiam, utpote diversas quatuor de hac Quæstione Sententias Authorum non unius generis recensente, sine tamen Augustini & aliorum in Antiquitate Ecclesiasticâ Doctorum mentione, quod prolixè & singulari ad *Christophorum Favvæum*, Parisiensem Theologum Epistolâ examinavit laudatus supra & mox iterum laudandus Sorbonista *Launojus*; prætermisso, inquam, utroque hoc capite, rectâ tertium adgredi. Tom. III.
mur, non semel sed iteratâ tertium vice Augustini male à Bellarmino habiti vindicias re-
quirens. Sistit in ead opinionem de Judicio Pontificis infallibili explicandam & con-
firmandam Bellarminus hanc Propositionem: *Summus Pontifex, cum totam docet Ecclesi-
am, in his, que ad Fidem pertinent, nullo errare potest casu.* In hujs Propositionis exami-
nac non urgebo prolixius, quod tamen non planè nullius est momenti, Bellarminum in-
fideliosè totam, omisis particularibus, nominasse *Ecclesiam*, ut eò facilius evaderet, erro-
resque in specie commissos hâc ratione eò promptius defendere posset, quod in sequenti-
bus ab Eo factum est capitibus. Ad ipsam verò dictâ Propositionis confirmationem
respiciens, tribus eam Oraculis ex ore Christi profectis fulciri videmus, tanquam fun-
damento immobili. Videamus, quo jure fulcimentum hoc nobilissimum domui tam rui-
nosè substituerit Architectus, artis, quam profitetur, si quisquam, omnino ignarus.
Primum iis nititur verbis, quibus Petrum facere certum voluit Christus, *quod pro Eo ora-
verit, ut non deficiat Fides Ejus.* Eadem quoque supra citavit Bellarminus, ubi prærogati-
vas Petri adduxit, addens, *Dominum clarissimè iis ostendisse, Petrum fore principem & ca-
put fratrum suorum, sic enim exponere Grecos & Latinos, adlegatis tamen Theophylacti
solùm & Leonis Magni testimonii contentus.* Hic autem ingenuè fatetur, tribus hunc
locum modis exponisolere. *Primam expositionem esse quorundam Parisiensium*, quorum duos
tantum supra in Secundâ Opinionis explicatione nominavit Bellarminus, *Gersonem vi-
delicet & Almainum*, quibus tamen plures adjunxit *Launojus* loco proximè citato, notan-
ter ibidem monens, *esse alios etiam natione Germanos, Gallos, Hispanos, Scotos, quorum sit ea-
dem mens, Sententia & confiratio ad defendandam hanc Ecclesiæ, quam dicit, Romana tradi-
tionem*, quos pro more testimonium dicentes longâ serie adduxit. Horum de hac pro-
missione Petro factâ Sententiam esse dicit Bellarminus, *quod Dominus hic oraverit pro
Ecclesiâ in versali, sive pro Petro, ut Ecclesia totius figuram gerente.* Et hanc expositionem
juxta mentem Expositorum intellectam Bellarminus dicit esse falsam, ob rationes hic
non examinandas. *Secundam Expositionem esse quorundam hoc tempore viventium & do-
centium, Dominum rasse hoc loco pro Perseverantia solius Petri in gratiâ Dei usque ad finem.*
Huic etiam Expositioni aliqua opponit, alibi melius, quam hic ex Instituti ratione
ponderanda. *Tertiam* subjungit Sententiam Bellarminus, quam dicit veram, *quod ni-
mirum Dominus duo privilegia Petro impetraverit. Vnum, ut Ipse nunquam posset veram
amittere Fidem, quantumvis tentaretur à Diabolo; alterum, ut Ipse anquam Pontifex non
posset unquam dicere aliquid contra Fidem, sive, ut in Sede Ejus nunquam inveniretur, qui do-
ceret contra veram Fidem.* Quem verò ad modum Bellarminus de posteriori hoc Privilie-
gio audenter pronuntiat, illud sine dubio manasse ad posteros sive Successores, iis tamen
munitus testimonii, quæ fortiter Bellarmino uplurimum minus sincerè agenti
ereptum ivit laudatissimus Sorbonista *Launojus*, peculiari ad Jacobum Bevilacquam,
M Pari-

pag. 50.
scqq.

Tomi I. Controversia III.

134

Tom. V. Epist. 6. Parisiensem quoque Theologum Epistolam; ita de priori dubitanter valde scriptis, id fortasse ad posteros & Successores non manavisse. Et tamen ad posterioris Privilegii, quod majoris momenti est, confirmationem nihil ex Augustino subsidiū habere potuit; sed ad prioris tantum, cuius non adeo magnus in hac Quæstione est respectus. Quamvis de hoc etiam Augustini testimonio, & quæ eidem Bellarminus ex Chrysostomo & Theophylaco

Tom. III. &c. alia adjungit, idem Launojus in genere monuerit, ea subiectiori fide à Bellarmino esse ad- Epist. ult. ducta, cum Patres illi Luca locum aliter accipiāt, quām in Bellarmini opinione accipiebāt; Pag. 135. de privilegio nimirum accipientes, quo Petrus quamlibet à Sathanā tentatus non posset veram amittere fidem, id quod ad Petri duntaxat per sonam pertineat. Accedit, quod idem iterum

Tom. IV. Launojus alibi ob id ipsum non sine causā castigandum censuit Iansenium ipremē quod Epist. 4. in ejusdem Oraculi Explicatione ad Leonis Magni & Bernhardi consensum male provoca- P 72. seqq. cans ab Augustini Sententiā abierit, quem setores legiſſe profiteatur, ſex diversa ex Augu- stini Scriptis colligentia testimonia, & inter ea illud quoque, quod Bellarminus priori adscriptis Privilegio, undē conſtar, tantum Petri peronam attinere hanc Promissionem. Pertinent huc quoque Testimonia duorum Augustini tempore celebrium Concilio- rum, Carthaginensis & Miletitani, quorum ipse Augustinus pars magna fuit, & ſcriptæ eorum nomine ad Innocentium, hujus nominis primum, tunc Pontificem Romanum Epistolæ inter Augustini Epistolam, ut supra etiam monui, leguntur, tanquam Augustini manu & Stylo ſcriptæ, in quibus eundem hujus Oraculi ſenſum videmus expreſſum, āque Innocentio Pontifice in ſubjunctione ad utrumque reſponsis adprobatum, id quod Launojus citatis ibidem verbis ad oculum demonstrat, ex que abundantius per addit,

pag. 77. Si etiam Evangelica hujus periodi una pars ab altera effeſ separanda, & in posteriori aliud, quam in priori, intelligendum effeſ Privilegium, Augustinum pro more ſuo id non ad Petrum duntaxat vel Successores Ejus flexiſſe, ſed ad Eccleſiam, cuius figuram Petrus gesserit, quod duobus iterum ex Augustino testimonio verbo tenus comprobatur, hic non prolixe ex- ſcribindis, cū ibi tutius legantur, hīque omnis vitanda ſit prolixitas, præprimis cum ſepiuſ eadem ex occaſione & coniunctim exhibeat & iteratō inculcat Launojus, nomi- natim quom in cā ad Carolum Magistrum, Parisiensem itidem Theologum, Epistolam, quam in quintā carum parte primam eſſe voluit, in quā prolixissimè & pluribus Augu- stini testimonioſi dōl ſolum ivit demonstratum, hunc auguſtissimum Doctorem in variis, quas de Religione ſcripſit, Controversiā non alium ſupremum vel ultimum agnoscere iudicem, quam Epifcoporum Concilium, & plenarii, quod ſapè vocat, Concilium Sententiam cuiuscumque Epifcopi etiam Romani Sententia Eum antepone. Adde laudata paulo ante ex eodem

Tomo Epifolam, numero Sextam, ubi eadem eadē ſerie exhibentur, inter alia plura prima Clafis Patrum & Tractatorum Eccleſiaſticorum testimonia, qui tradunt, oratione

Chrifum, ut Petrus veram Fidem amitteret nunquam, quantumvis tentaretur à Diabolo, ſed in ea & Dei gratia datum demum perveraret. Optime monet ibidem Launojus, Bellar-

minum dicendo, ſecundum hujus Oratoli Expositionem effe quorundam hoc tempore viuen- tium, eamque pluribus argumentis refellendo, diſſimulatſe, effe eam antiquiora Eccleſia

Patrum, eamque per traditionem veniſſe ad illud tempus, quo Bellarminus ſcribebat, cum praeter laudata duo Concilia Patres atque Tractatores Eccleſiaſtici septem & trīginta in illā Clafie numerentur, nominatim, Tertullianus, Cyprianus, Hilarius, Basilius, Ambrosius, Chrysostomus, Palladius, Innocentius Papa, Augustinus, Author anonymous Quæſtionum ex Novo Testamento apud eundem Augustinum, Cyrillus Alexandrinus, Leo Magnus, Proſper Aquitanicus, quem Bellarminus pro ſe citaverat, Theodoretus, Beda, Theophylactus Oecumenius, Euthymius, Damiani, Drogo Ostiensis Epifcopus & Cardinalis, Lombardus, Innocentius humero tertius, Hugo Cardinalis, Albertus M. Thomas, Bonaventura, Author Glosse Interlinearis, Lyranus, Occamus, Carthusianus, Cajetanus, Major, Arbo- reus, Benedictus, Gagnatus, Bannes, Maldonatus, Bellarmini æqualis & Socius, omnes & ſinguli Expositionis, quam Augustinus tenet, testes jurati & veritatis Evangelica ingenui confeſſores & professores, quos omnes cū p̄misiſis Eorum teſtimoniis iteratō lau- dasset Launojus, bene addidit, ne cireſe, an p̄jori fide tractari potuerit Expositio hac ſecunda, quām à Bellarmino fuerit tractata, dum equalibus Theologis quibusdam ſuis adscriptis Expoſitionem, quæ per atates ſingulas fuerat celebrata. Sed & cætera legi hic merentur, quæ circa tertiam laudati ſepiuſ oraculi Expositionem, quam Bellarminus veram effe dicit, & ad cuius partem priorem, cū duplex in eā ſtatutum Privilegium, Augustini etiam autho- ritate utitur vel potius abutitur, obſervavit ibidem Launojus. Nimirum primò Bellarmi- num nulli plāne Authori hanc Expositionem tertiam coniunctim ſumtam tribuere, ex

qua

quo recte colligatur, Expositionem hanc esse novam, eamque alium à Bellarmino archiectum non habere. Deinde, Bellarminum hanc Expositionem, quæ nova est, dicere veram; cæteras, quæ antiquiores sunt, repudiare ut falsas, contra omnem Theologiam descendere methodum & rationem. Tertiè, priorem Expositionis tertiaræ partem esse Expositionem secundam, eamque iis tribuere Bellarminum, qui suo tempore vivebant, & tamen partem tertiaræ Expositionis priorem adscribere Eum Augustino & cæteris supra laudatis, eoque ipso Bellarminum vel pugnare secum, vel credere, Augustinum & cæteros Patres vixisse suo tempore, atque sic Eum proposito dilemmate conclidi, & quo-cunque se vertat, incommode ferre, id est vel dextro vel sinistro feriri cornu. Quar-tò, in secundâ Expositione relatâ dolum esse malum, quem detegere oporteat ac dissuere, videlicet, constare, extitisse Bellarmini tempore, qui Lucæ locum ita sint interpretati: Sed illos Interpretationem suam testimonis Patrum, in primis Augustini munivisse, quod Bellarminus dolo non bono reticuerit & dissimulaverit, id quod Dominici Bannis in hujus Oraculi Explicatione ad Augustini quoque authoritatem provocantis exemplo comprobatur. Quintò, Bellarminum sic suam Expositionem tertiam ex duobus adornare Privilegiis, quali Patres, quorum testimonia recenset, sic inter se de industrâ convenerint, ut alii verba Lucæ de priori Privilegio, alii autem de posteriori intellegent; egregio scilicet invento, cuius operâ Bellarminus Patres memoratos cujuscunque Verborum Lucæ interpretationis fautores & adstipulatores reddere non vereatur, quem in modum ex testimonis Patrum mapalia facere absurdum sit in Theologis & periculo sum. Sextò, Bellarminum scribendo, *Augustinum & cæteros Patres laudatos, licet alterius non meminerint Privilegii, illud tamen non negare, neque negare posse, nisi ve-*lini plurimi Patribus aliis contradicere; perinde hæc scribere ac si plures alii Patres de posteriori Privilegio Luca Verba expoluisserint, cum tamen ante Augustinum in specie nullus reperiatur Ecclesiasticus Tractator, qui Verba Lucæ de tali Privilegio intellexerit, neque Bellarminus vel unum atulisse vel adferre potuisse, qui ita intellexerit, tantum abesse, ut plures alios adferre potuerit, quibus voluerit contradicere Augustinus. Septimò, Bellarminum lemma suum aliter proponere, aliter posteriorius Privilegium: In lemmate tunc tantum non errare posse Pontificem Romanum, *cum Ecclesiam totam docet in his, que ad Fidem pertinent;* quo pacto errare posset, salvo non errandi privilegio, cum vel Orientalem, vel Occidentalem tantum vel Romanam tantum Ecclesiam, cuius proprius est Episcopus, doceret; In proposito autem Privilegio Bellarminum reticere illud, *cum Ecclesiam totam docet,* atque ita longè minus definitum esse Privilegium, quam lemma, nisi per hæc verba, *ut ipse tanquam Pontifex,* velit æqualiter defini-ri. Quorū hæc? Scilicet ut adducendo non-nullorum Pontificum & Patrum testimonia, quæ clare proposito lemmati nullatenus respondent, proposito minus clare Privilegio saltem in speciem responderent, incautus Lector circumveniretur, & probations, quæ non sunt idoneæ, ac fallaciam accidentis inclidunt, facilius admirarer. Quæ addi possunt suspicioni non iniquæ, cuius sub initium Controversia hujus facta est mentio. Plura hujus generis circa Bellarmini methodum à Launojo observata labens prætereo, ne pagina exscribendo solum impleatur, cum ex adductis sufficenter manifestum cuivis orthodoxæ Veritatis & Sinceritatis Theologicae studiolo esse possit, quam minus candidè Bellarminus in re tam gravi, & à quâ omnium Fidei Controversiarum decisio pondet, fuerit versatus, nominatim, quod in primis ad institutum præsens pertinet, quam male cum Augustino egerit, Eum ad suas pertrahere volens partes, cum tamen augustissimus Doctor nihil minus scripserit, quam quod scripsisse Eum Lectori persuadere omnibus modis, sed in Theologia illicitis, est conatus.

Neque felicius aut sincerius egit, ubi secundum pro Judicio Romani Pontificis infallibili testimonium ex Augustino & aliis Patribus tractavit, quo Christus super Petram ædificare ete velle Ecclesiam promisit, *adversus quam Inferorum porta non sint prævalitu-* Math. 16
ra, id quod supra ad decimum primi de Romano P.ontifice Libri caput ex eo ipso Augustini testimonio est demonstratum, quod iteratâ vice in Scenam produxit Bellarminus, aliaq; insuper fuere adjecta, quæ rem hanc facilem consequam dare potuerunt. Eadem ferè contra Bellarminum producta legas à Launojo in laudatâ ad Carolum Magistrum Pag. 47. & seqq.

con-

M 2

contra Bellarminum agit, id in genere monens, Bellarminum, cum de loco B. Luca argumentatur, trium illius Expositionum, et si admodum negligenter, fecisse mentionem, sed cum de hoc B. Matthaei loco suam in Sententiam disputat, perinde id facere, ac si Patres omnes illum uno atque eodem modo interpretarentur, quod à Vero planè abhorreat. Et in hujus gratiam, ut Bellarmi defetum suppleat, quatuor Patrum in hunc Matthaei locum Explicationes recenter, divitas in quatuor diversas classes: quarum *prima* est eorum, qui Ecclesiam super Petrum; *secunda*, qui super Apostolos & Eorum Successores; *tertia*, qui super Fidem, quam petrus est confessus; *quarta* qui super Christum docent esse adificatam: in quarum Expositionum compositione & conciliatione, sicut fatetur Launojus non nullos Patres in Expositionibus diversis, ita de Augustino in primis ingenuè agnoscit, *Eum in singulis occurtere, ita tamen, ut ab Authoribus prima Expositione recedat non nihil, & aliis recedendi copiam faciat, atque ita ad Authores ceterarum trium Expositionum familiarius accedat, & in expositione quidem secunda cum haret, verbis quibusdam suis iter fibi ad duas posteriores muniat, inque iis se proprio lumine contineat ac omnem obscuritatem dissipet.* Ubi id in primis porrò notandum venit, quod idem Launojus ibidem optimè observavit, illa duo Augustini testimonia, quæ supra ex ultimo in Johannem Tractatu, & Sermone tertio post decimum de Verbis Domini citata leguntur, & quæ Launojus quartæ Testimoniorum classi inseruit, eò majoris esse momenti & in hoc puncto authoritatis, quia utrumque Augustini Scriptum ab authore post retractionum libros, vel librorum retractionem esse editum ex eo non leuis sit conjectura, quod Augustinus utriusque nullam vel in primo vel secundo dictarum retractionum libro fecerit mentionem, id quod hic non sine ratione ad causâ bonitatem confirmandam attenditur. Exsuperabundanti iterum potest accedere, quod Launojus idem præter Examen illius ex Augustino testimonii, ad quod Bellarminus in specie circa hujus Oraculi de Petri Ecclesiæ expositionem provocat, cuius sensum loco jam supra citato indicavimus, in ceterorum quoque Patrum testimoniorum ponderandis, quibus hac in re Bellarminus iterum more suo non laudabilibus est, ostendit, *Eum in citatione corundem adhibuisse malam fidem, in specie Origenem & Cyriillum Alexandrinum falsò laudare; Chrysostomo Scripturæ expositionem adstringere, & quæ Chrysostomus soli Deo tribuit, Pontifici Romano tribueret, & ne videatur tribuere, propria ejus verba non recensere; Theodoretum laudare ut Scripturæ quæ de agitur, interpretem, quo in loco nullam interpretatur Scripturam, & quæ ex Eo refert, in alienum ab Authoris mente & astate Sensum detorquere; Hieronymum præterea & Augustinum verè quidem citare, sed quæ certa fuerit Illorum mens & intentio, in variis, quos edidunt Commentariis non disquirere, veritum fortassis, ne inveniat, quod ceteris omnibus occultum esse veller;* *Gelasium* insuper adducere ut Scripturæ Explicatorem, etiamsi Scripturam non explicet, & quæ ex Eo commemorat, probanda Adserione esse inutilia, & ibi consuetà fraude Sedem Apostolicam cum præfule Apostolico confundere; *Gregorium* tandem magnum adlegare ut Explanatorem Scripturæ, quam non explanat, *Eiusque textum corrumpere, ut videatur dicere, quod non dicit.* Hæc omnia ibidem prolixissimè & planissimè Launojus deducit, unde ingenua minus sinceritas, candorque minimè candidus Bellarmini in citandis Doctorum Ecclesiæ testimoniorum manifestissima redditur, eò notabilior, quod ab homine alias Romanensibus Sacris addicto hæc falsi crimina orbi verè Catholico fuerunt exhibita, qui ibidem tertium quoque pro Judicio Romani Pontificis infallibili testimonium à Bellarmino adhibitum ex Augustino ostendit impertinens esse, neque id bonâ fide expositum, quod & supra ad caput decimum & quartum libri de Romano Pontifice primi ex parte, & quantum satistum esse potuit, Lectori Veritatis studioso fuit ostensum.

Nunc, quia Bellarminus in tertii pro infallibili hoc Judicio testimonii, quod curam ovium Petro tribus iteratis vicibus à Christo commendatam sistit, tractatione, ad illos Patres Forumque authoritatem provocat, quos loco jam citato adduxerat, interque eos Augustinus quoque comparet, præter vindicata ibi hujus augusti Doctoris loca, juvat nunc adjicere, quod Launojus in ad Raimundum Formentinum Epistolâ contra Bellarminum ex Tractatu Ejus septimo & quadragesimo in Johannem suppeditat: *Christus Petro, quem facere volebat bonum Pastorem, non in ipso Petro, sed in corpore suo ait: Petre amas me, pasc me oves meas.* Et post aliqua: *Christus quod Pastor est, dedit & membris suis; nam & Petrus est Pastor, & Paulus est pastor, & ceteri Apostoli sunt pastores, & boni Episcopi sunt pastores.* Accedant alia ejusdem augustissimi Doctoris testimonia,

Joh. 21.
Tom. V.
Epist. 8.
pag. 22.

monia, quæ idem iterum *Launojus* in laudatâ non semel ad Carolum Magistrum Epistolâ verè Augustinianâ collegit, ad Oraculum hoc Bellarmino cum aliis eripiendum, suoque intellectui genuino restituendum. Ita autem de eo Augustinus : *Christus de Pasto-
ribus, cap. 13.*
*Petrum, cui oves commendarit, quasi alter alteri, unum facere volebat secum, ut sit Ei oves
commendari, ut esset ille caput, ille figuram corporis portaret, id est, Ecclesia.* Et alibi : *Do-
minus commendavit nobis oves suas, quia Petro commendavit, si tamen ex aliquâ par-
te, ve extrema dignissimus, pulvarem vestigiorum Petri calcare.* Et iterum : *Petrus Serm. 108.
inter Discipulos non solus meruit pascare Dominicas oves, sed quando Christus ad unum de diversi-
loquitur, unitas commendatur;* & *Petro primiū, quia Petrus in Apostolis est pri-
mus.* Et iterum alibi : *Ad Perrum quædam dicuntur, que ad Eum proprievidentur in Psalmi
pertinere, nec tamen illi strementibus, nisi cum referuntur ad Ecclesiam, cuius 108. mox
Ille agnoscitur in figura gestasse personam, propter Primatum, quem in Discipulis habuit,
sicut est, Tibi dabo Claves Regni Cœlorum.* & si que hujusmodi, ubi addit notanter *Launojus*,
ut sine dubio est illud, *Pasce oves meas.* Non quidem unius ejusdemque momenti
& authoritatis sunt hæc Augustini testimonia à *Launojo* adducta, cùm fortè non de-
cesset, quod ad ea posset excipi, si rigidum aliquod examen sustinere cogerentur ; è qui-
bus tamen collectim consideratis adparer, Augustinum & cum Eo alias quoque Patres
id infallibile judicium in Romano Pontifice tanquam Petri Successore nullatenus agno-
visse, quod Bellarminus & Ejus exemplo ali plures, quos *Launojus* non semel Aulæ
Romanensis adsentatores vocat, vi etiam variisque artibus illicitis exculpere & ex-
torquere conantur, ingenuè id præter laudatum sèpius *Launojum* alii etiam satentibus,
quibus vis manifesta Veritatis non semel manifesta Confessionis testimonia expref-
fit. Cetera duo fundamenta, que Bellarminus post hæc infallibili Pontificis Ro-
mani Judicio substernit, illud in primis, quod ex Veteri Testamento tanquam figurâ Novi
de Rationali, alias pectorali, Pontificis Summi adducit, quia nullum ab Augustini
authoritate habent subsidium, meritò hic prætermittuntur, hoc tantum observato,
quod *Novarinus* in Mole expenso ad hoc ipsum de pectorali Pontificis Summi Ora-
culum notavit : *Veteris Legis Sacerdos nuda filiorum Israhel nomina portabat in humeris;* Cof. Buxt.
Christus Pastor verus ovem perditam humeris imposuit suis. Sic rem pius Author expende- Exerc. po-
bat : *Sacerdotem veteris Legis nomina solum super humeros & pectoris jubes portare Dominus,* ster. num.
nove vero Legis & Gratiae Pastor Christus reipsa ovem super humeros portat. En sum-
mum Sacerdotem typum non Pontificis Romani, sed Christi Pastoris Summi, sub quo
Pastores cæteri omnes !

Postquam verò Bellarminus prolixè ad demonstrandum infallibile Romani Pon-
tificis Judicium pugnat, conquitis omni ex loco rationibus & argumentis, qui-
bus exhibitam à se Propositionem Lectori faceret probatam, præter duas Proposi-
tiones alias, de Romanensi Ecclesiâ particulari & Decretis morum, hanc quoque quar-
ram listens, quâ statuit, Probabile esse pieque credi posse, summum Pontificem
non solum ut Pontificem errare non posse, sed etiam ut personam particula-
rem non posse hereticum esse, falsum aliquid contra fidem pertinaciter credendo ;
quia non nescivit, à hereticis non solum, quos evocat, sed & aliis quibusdam
Romanæ Sedi adscriptis in dubium vocari & pluribus modis impugnati, idèo præterire
non potuit, quin Rationes eorum in contrarium adduceret, adque eas respondere
pro viribus conaretur. In tertiatâ earum dum Augustini occurrat mentio, aliquid de eâ
dicendum erit, ut videamus, an satis eidem ex ase fecerit Bellarminus, qui eam se-
quentibus exhibet verbis : *Si infallibile esset Pontificis de fide judicium, essent heretici,
vel saltem pernitiosi errore tenerentur & graviter peccarent, qui pertinaciter contrade-
finitionem Pontificis aliquid adsererent.* At hoc est falsum. Nam Cyprianus pertinaciter
resistit Pontifici Stephano defienti, hereticos non rebaptizandos, ut patet ex Epistola ejus-
dem Cypriani ad Pompejum, & tamen non solum non fuit hereticus, sed neque mortaliter pecca-
vit. Nam mortalia peccata non delentur, nisi per Pænitentiam, etiam si quia pro fide mo-
riatur ; & tamen Ecclesia Cyprianum colit ut Sanctum, qui non videtur unquam refi-
puisse ab illo errore suo. Confirmatur ex Augustino, non semel scribente, Ecclesiæ nutasse Lib. I. de
de illa Quæstione, ac potuisse Cyprianum & alios salvâ charitate dissentire inter se, donec non Bapt. c. 18.
accessit generalis Concilii definitio. Ego non putavit Augustinus, indubitatum esse Romani
Pontificis judicium. Quid in hujus objectionis propositione posset jure desiderati, Le-
ctor orthodoxus me cuam non monente videt. Videamus nunc breviter, quomo-
do Bel-

do Bellarminus in omnes se vertat partes, ut Pontificis authoritatem indubiam ostendat, ac Augustinum in suas etiam partes trahat. Variè id agit, & ita quidem, ut non raro sibimet ipsi contradicat & scribat, quod ex prolixiori responso patebit. Dicit,

N.B. Cyprianum non quidem fuisse hereticum, tum, quia nec modo censentur manifestè heretici, (NB.) qui Pontificem errare posse dicunt; tum etiam, quia sine dubio Stephanus Papa non definitivit tanquam de fide, hereticos non rebaptizandos, licet non rebaptizari jussit, ut ex eo patet, quod non excommunicavit Cyprianum & alios contrarium sentientes, sicut etiam è contrario Cyprianus in Concilio octoginta Episcoporum definitivit, hereticos rebaptizandos, noluit tamen hoc haberit tanquam de fide, disertè protestans, non propter ea velle se ab iis separare, qui contrarium sentiebant.

de unico Bapt. c. 14. Neque his repugnat, quod, ut scribit post Eusebium Augustinus, non solum imperavit Stephanus Papa, ne rebaptizarentur ab hereticis baptizati, sed etiam censuit excommunicandos, qui non obedirent. Nam eti censuit excommunicandos, qui non obedient, illud tamen aliud nihil fuit, quam com-

L. cit. minatio; constat enim ex Vincentio Lyrinensi & Augustino, conjunctos semper fuisse Stephanum & Cyprianum. Pergit Bellarminus: Et per hoc respondetur etiam ad confirmationem. Fuit enim post Pontificis definitionem adhuc liberum aliter sentire, ut Au-

gustinus dicit, quia Pontifex noluit rem ipsam facere de fide sine generali Concilio, sed solum voluit interim servari antiquam consuetudinem. An autem Cyprianus peccaverit mortaliiter, Pontifici non obediendo, non est omnino certum. Nam ex una parte non videtur mortaliter peccasse, quia non peccavit, nisi ex ignorantia; putavit enim Pontificem pernitiosè errare, & stante illa opinione tenebatur ei non obedere, quia non debebat contra Conscientiam age-

re. Ignorantia autem Cypriani non videtur fuisse crassa, neque adfectata, sed probabilis, & prouinde excusans à mortali peccato; ipse enim sciebat. Pontificem non definitivit tanquam de fide, & simul videbat, secum sentire Concilium octoginta Episcoporum. Quocirca Augustinus clare docet, Cyprianum venialiter solum peccasse & salvâ charitate, & ideo falce Martyrii fa-

cile purgatum, ac fuisse hoc Ejus peccatum quasi ne vnam in candore Sancte anime, quem uberi Charitatibus contagebant. Ex altera tamen parte videtur peccasse mortaliter, cum precepto Apostoli expresse non paruerit, & sine modo Pontificem recte sentientem vexaverit. Nam eti Stephanus non definitivit illam rem, tanquam de fide, serio tamen praecepit, ut non rebaptizarentur heretici, ut Cyprianus ipse in Epistola ad Pompejum citata fatetur, cui mandato Cyprianus parere debuit, & suum iudicium iudicio Superioris sui subjicere, & saltē debuit non proferre verba contumeliosa, qualia ibi contra Stephanum protulit, Eum vocans superbū, im-

Epist. 48. peritum, coeca ac prava mentis &c. Ideo Augustinus aliter Cyprianum defendere conatur, adserens, vel non esse ista Cypriani Scripta, ubi haec inveniuntur, vel Eum postea penitus esse erroris, & mutasse Sententiam ante mortem, licet retractatio non inveniatur. Prolixissime

haec Bellarminus, in quibus, ut jam monui, non semel sibimet ipsi contradicit & scribit, iis etiam hic & ibi inititur absurdus etiā hypothesibus, quæ longè adhuc demonstratione opus habent ante, quām prō fundamento queant adsumti. Ipsam quod attinet Questionem Anabaptisticam, tempore Cypriani & Stephani primū, post inter Augustinum & Donatistas acriter agitata, aliquoties jam occasione per Bellarminum oblatā actum est de eā, quin & in posterum adhuc eodem duce occurret. Nunc non repetitis, quæ circa ejus momentum alibi fuerunt observata, nec prolixè examinatis, quæ in hoc Bellarmini responso censuram merentur, ea iterum lubet notare, quæ Sorbonista

Tom. III. Launojus partim de ipso Controversia statu, partim de Augustini circa contrarias & Tom. III. contradictorias Cypriani & Stephani opiniones Sententiā monendum duxit. Et pro hu- Epist. ult. jus quidem fundamento ea posuit Augustini verbā, quæ supra jam, ubi de Monarchico pag. 140. Regimine ageretur, locum habuerunt, hic omnino reponenda, ut Launoji observa-

tio eō melius intelligatur. Ita autem augustissimus hic Doctor, & eo quidem in loco, lib. de uni- unde Bellarminus etiam suā causa quæsivit subsidium: Duo erant eminentissimarum Ec- co Bapt. cap. 14. clesiarum, Romana scilicet & Carthaginensis Episcopi, Stephanus & Cyprianus, ambo in uniate Catholicā constituti, quorum (unus) Stephanus Baptismum Christi in nullo iterandum esse censebat, & hos facientibus graviter succenſebat; (alter) autem Cyprianus in heresi vel Schismate baptizatos, tanquam non habentes Baptismum Christi, baptizandos in Ecclesiā Catholicā existimat. Notat Launojus ex his Augustini verbis, Stephanum in nullo iterandum esse Baptismum definitivis, & aliquid definitivis novi; Cyprianum vero in omnibus iterandum definitivis. Utriusque excessum Arelatenis Concili Patres correxisse hoc Canone: De Afris (non Arianis, ut Canonem hunc ex pervertustis Codicis

Codicibus corrigit, quia Gratiani Jus Canonicum notas scripsit) qui propriâ lege uiuntur, ut rebaptizent, placuit, ut si ad Ecclesiam aliquis de hæresi venerit, eum interrogent Symbolum, & si perviderint, cum in Patre, Filio & Spiritu Sancto esse baptizatum, manus ei imponatur, ut accipiat Spiritum Sanctum, quod si interrogatus non responderit hanc Trinitatem, baptizetur. Athæretici erant quamplures, addit Launojus, qui in Patre, Filio & Spiritu Sancto non baptizabant, ut constat ex illorum formis baptizandi, quas Irenæus referit; & eam ob causam graviter Cyprianus Stephanum insectatur, qui Marcionis Baptismum admittiebat; Quo fit, ut Arelatensis Concilii Patres Stephanum tacite configant. Legati Papæ Silvestri interfuerunt Concilio, non restiterunt, sed consenserunt. Stephanus ergo cum aliquid novi definiuit, nec ullum exceptit hæreticorum Baptismum, ut Augustinus scribit, erravit, quomodo Bellarminus Pontificem Romanum errare posse tantum negat, quia negare instituit. Quid Augustini porrò de hac inter Cyprianum & Stephanum Controversiâ Sententiam Launojus iterum varia notavit, quæ hic observasse, est Bellarminus refutasse. Dicit in laudata haec tenus non semel ad Carolum Magistrum Epistola, quam paulò ante ob argumentum ejus dixi Augustinianam, & verè quidem, Augustinum in libris contra Donatistas editis iterandi init. Baptismi controversiam pertractare copiosissimè, & hujus decisionem Romano Pontifici ut supremo vel ultimo Judicinon transcribere, cùm transscribendi te offerat occasio, quæ non possit te non offerre, ubi sapissimè de Baptismo non iterando sermonem instituerit. Deinde, Augustinum nec Stephani Papæ Epistolam, quæ ad Africanos missa est, referre, nec ullum Epistolæ fragmentum Donatistis tanquam certæ Disciplinæ fundamentum objicere, objectum sine dubio, si Antistiti Romano indeficientis judicij privilegium inesse censuerit. Porrò, Augustinum in libris de Baptismo contra Donatistas sexto & septimo singulas eorum, qui Concilio Carthaginensi interfuerunt, Sententias expendere & confutare, sed ubique altum esse de Stephano Papâ silentium, tantum abesse, ut Stephani Epistolam stylo decretoriorum exaratam aut illi Concilio, aut uni è Patribus Concilii opponat; & hoc certum esse indicium, ab Augustino habitum non fuisse Stephani Decretum tale, quale ad terminandam quæstionem crita erroris periculum sufficeret. Prater ea duo esse Augustini loca, quæ si contendantur inter se & cum iis, quæ Cyprianus de Baptismo Marcionis contra Stephanum scribit, Stephano apud Augustinum non errandi privilegium detrahere. Prior locus ex libro de unico Baptismo proximè citatus est, posterior autem sic habet: Si Evangelicis verbis in nomine Patris, Filii & Spiritus Sancti Marcion Baptismum consecrabit, integrum erat Sacramentum, quamvis eius fides sub eisdem verbis aliud opinantis, quam Catholica Veritas docet, non esset integra, sed fabulosis falsitatibus inquinata. Launojus in collatione utiusque testimonii hujus notat, Augustinum, dum in priori loco ait, Stephanum Christi Baptismum in nullo iterandum esse censuisse, non falli, id ipsum enim conceptis verbis in fragmendo Epistolæ Stephani apud Cyprianum in ad Pompejum Epistolâ sèpius citatâ tradi, & hoc Eusebium insu. per confirmare, certumque hinc atque indubitatum esse id, quod de Stephano Au. Histor. Ecclesi. 7. cap. 2.

Eum in nullo eorum, qui ab hæreticis fuerint baptizati, iterandum esse Baptismum censuisse; in posteriori autem loco Augustinum significasse, collatum à Marcione Baptismum valere, si Verbis Evangelicis in nomine Patris, Filii & Spiritus Sancti conlectetur, non valere, si non ita consecretur, & sic Augustini judicio erravisse Stephanum Marcionis Baptismum recipiendo, si verbis illis Evangelicis non conlectaretur. Num verò Marcion hoc modo Baptismum consecraverit, querendum esse de Cypriano, qui Stephani Epistolam vidit & duabus aliis confutavit, ex quâ juxta Cypriani citationem duo hæc manifestè colligi, unum, quod Marcion non baptizaverit in nomine Patris, Filii & Spiritus Sancti, sed in nomine Jesu Christi; alterum, quod Stephanus collatum sic à Marcione Baptismum receperit: Cyprianum contra pugnare, rejiciendum esse collatum in nomine Jesu Christi Baptismum, nisi, qui luceperit, Judæus fuerit, & baptizandos esse in plenâ & adunatâ Trinitate gentiles; & hinc graviter insectari Marcionem, quod Trinitatem non teneat, cuius Sacramento gentes baptizentur, atque ideo etiam reprehendere Stephanum, quod collatum à Marcione in nomine Jesu Christi Baptismum admiserit, imo Augustinum quoque Baptismum hunc indefensum relinquere, quem Stephanus tamè admiserat. Addit his Launojus: Quapropter nemini mirum videri debet, Doctorem Sanctum Romano Pontifici indeficientis Iudicij privilegium adscribere nusquam,

nec illum pro supremo vel ultimo Controversiarum Fidei Indice habere, quippe talis Index
nusquam errare debet, ut Stephanum hanc in re errasse Augustinus significat, consentiens,
Baptismum, qui verbis Evangelicis in nomine Patris, Fili & Spiritus Sancti non conse-
cretur, cassum esse & irritum, contra quam Stephanus in Epistola ad Africanos decreve-
rat. Plura non addo, ibidem prolixius legenda, cum haec sufficere possint ad re-
sponsum Bellarmini elidendum & eludendum.

CAPVT DECIMVM SEXTVM & seqq.

DE

Potestate Romani Pontificis Legumlativâ.

Hanc ut adserat Bellarminus, plura iterum ex Sacris colligit, que tamen Examini
subjecta nihil ad rem propositam facere videntur. Ex eorum numero tria sunt,
quæ Augustini vindicias desiderant, ne quid contra Veritatem orthodoxam scripsisse
videatur. Primum, sed apud Bellarminum ordine quintum, nimirum authoritate Legis
Apostolicæ in Synodo Hierosolymitanâ promulgata, circa cuius illustrationem Bellar-
minus inter alia Augustinum quoque adducit, qui talem posuit alicubi Quastionem,
Aet. 15.
Epist. 154. Ad Publicolam,
Heidegus, de libert. Christ. c. 12. p. 258.
Epist. 19. ad Hieron.
Lib. 32. contra Faust. cap. 13.
An viator viatus necessitate famis, si nihil uspiam invenerit, nisi cibum in Idolio pos-
tum, ubi nullus alius est hominum, fame potius mori debeat, quam illum sumere cibum?
Respondens: Aut certum est, esse idolothytum, aut certum est, non esse, aut ignoratur. Si certum
est esse, melius Christianâ virtute respuitur; si autem vel non esse scitur, vel ignoratur, sine ullo
Conscientia scrupulo in usum necessitatis adsumitur. Notat ad hoc Augustini responsum
Bellarminus: At in isto casu proposito ab Augustino nullum locum habebat scandalum, & ta-
men judicavit Augustinus, melius esse ab immolatis abstinere, cujus rei nulla ratio reddi posse
videtur, nisi autoritas precepti Apostolici. Num Bellarminus hac ratione potestatem Ro-
mani Pontificis Legislatoriam sufficienter demonstraverit, judicet æquus Lector judi-
candi peritus. Augustini Sententiam in casu proposito quod attinet, de eâ non ita pri-
dem Scriptor quidam hunc in modum censuit: Salvâ authoritate magni Patris non con-
stare videtur Ratio, cur Christianum ejusdem oporteat potius morti se victimam dare,
quam ab ejusmodi victimâ Idolis immolati temporare. Cum enim sit Christianus, non edit
Idoli reverentia; cum sit solus in solitudine, non habet illic infirmos fratres, quos offendat. Ne-
que communicat cum Demonibus, cum ibi nullum agitetur Sacrum; multò minus exponit in-
fidelibus suam libertatem condemnandam & blasphemandam, cum ex hypothese in solitudine
nulli adjint. Non præter rem hanc esse scripta, inde constat, quia alibi Augustinum alter
de hisce talibus scripsisse legimus, ubi in genere de Veteris Testamenti legibus ceremoniariis & ideo temporalibus tantum, cuius generis hanc quoq; Legem Apostolico-Syn-
odicam fuisse plerique Interpretum & communiter statuunt, suam expromere voluit
Sententiam, hunc in modum scribens: Cur mihi non licet dicens, Apofolum Paulum & aliis
recte Fidei Christianos tunc vetera illa Sacraenta paululum observando commendare vera-
citer debuisse, ne putarentur illæ Prophætica Significationis observationes à Patribus piissimis
custoditæ, tanquam Sacrilegia Diaboli, à posteris detestanda? Iam enim, cum venisset Fides,
(alibi legitur dies) que prius illis observationibus præannuntiata, post mortem & resurrectionem
Domini revelata est, amiserant tanquam vitam officii sui. Veruntamen sicut corpora de-
functorum, officiis necessariorū deducenda erant quodammodo ad Sepulturam, nec simulare
sed religiosè, non autem desideranda continuo, vel inimicorum obrectationibus tanquam mor-
ibus canum prejicienda. Proinde nunc quisquis Christianorum, quamvis sit ex Iudeis, similiiter
ea celebrare voluerit, tanquam sopitos cineres eruens, non erit prius deductor, vel bajulus corpo-
ris, sed impius Sepultura violator. Alibi in specie ad hanc Legem Synodicam sequentia
oblivavit: In Actibus Apostolorum hoc lege preceptum est ab Apostolis, ut abstinerent
gentes tantum a fornicatione, & ab immolati, & Sanguine. Hoc etiæ tunc Apostoli pre-
cepserunt, elegisse mihi videntur pro tempore rem faciem & nequaquam observationibus
oneransam, in qua cum Israëlis etiam gentes, propter angularem illum lapidem duos parie-
tes in se condentes, aliquid communiter observarent, simul & admonerent, in ipsa Noe
Arcâ, quando Deus hoc iussit, Ecclesiam omnium gentium fuisse præfiguratam, cuius facti pro-
phetagentibus jam ad Fidem accedentibus impleri incipiebat. Transacto autem illo tempore,
quo illi duo paries, unus ex Circumcisione, alter ex preputio venientes, quamvis in angu-